



**COFNODION CYFARFOD  
O BWYLLGOR RHEOLI CAE MAESYDERI  
24 TACHWEDD 2009 AM 7.00PM  
SWYDDFA MENTER LLAMBED, LLANBEDR PS**

**YN BRESENNOL**

**CYNGOR TREF LLANBEDR PS**

Cyng. Maer Selwyn Walters (Cadeirydd)

Cyng. Cecilia Barton.

**CYNGOR SIR CEREDIGION**

Cyng Robert (Hag) Harris

Cyng Ivor Williams

**CLWB RYGBI A PHÊL DROED LLANBEDR PS**

Cyng. Greg Evans

**MUDIAD MYDTARA**

Lizzie James - Gwêl-y-Creuddyn

**YN GWEINYDDU**

Eleri Thomas – Clerc Cyngor Tref Llambed

**1. CROESO'R CADEIRYDD**

**Croesawodd** y Maer Selwyn Walters bawb i'r Cyfarfod.

**2. YMDDIHEURIADAU**

Cyng Robert Phillips; Cyng Chris Thomas a'r Cyng. Derek Wilson.

**MUDIAD MYDTARA**

Carol Davies & Sue Davies – Maesyderi, Llambed.

**3. DATGELU BUDDIANNAU PESONOL: Dim.**

**4. COFNODION CYFARFOD 27/10/2009**

Cytunwyd i gofnodion y cyfarfod o'r Pwyllgor a gynhaliwyd yn Swyddfa Menter Llambed ar ddydd Mawrth 27ain o Hydref 2009 fel cofnod cywir. Arwyddwyd y cofnodion gan y Cadeirydd.

**5. MATERION YN CODI**

**5.1 TORRI GWAIR**

**Adroddwyd bod** Mr Mike Brown, Caerfoel, Cribyn wedi torri'r gwair ar 4 achlysur (y 4ydd toriad ar yr 27ain Hydref) ers canol Medi. Roedd y cytundeb wedi cynnwys 6 toriad. Bydd y 2 doriad olaf yn cael eu cario allan yn y gwanwyn y flwyddyn nesaf. Y mae Mr Brown wedi derbyn tâl am 6 toriad.

**5.2 MYNYDDOEDD GWADDOD**

Y mae oddeutu 80 o fynyddoedd gwaddod ar y cae: nodwyd er gwybodaeth.

**5.3 GWAIR SY'N TYFU YR OCHR ALLANOL I'R FFENS AC YN AGOS I GWRBYN YR HEOL SY'N ARWAIN I STÂD MAESYDERI**

**Cytunwyd i ofyn i Mr Mike Brown** i dorri'r gwair yn y rhan yma, pan yn torri'r gwair yn ystod y gwanwyn, os na dderbynnir ymateb gan y cyngor sir cyn hynny. Cynigodd y Cyng. Ivor Williams ei wasanaeth i dorri'r ran yma o wair.

**5.4 TOCIO'R PERTHI**

Cytunodd y Cyng. Chris Thomas i docio ac i osod y berth mewn cyfarfod cynt. Y Maer i gysylltu â'r Cyng. Thomas i weld tybed a fyddai'n barod i gadw at y trefniant hwn – os na fydd yn gytûn, i geisio amcanbrisiau..

**5.5 TRWSIO'R FFENS**

Bydd y ffens yn cael ei drwsio'n ystod y dyfodol agos gan y Cyng. Ivor Williams a'r Cyng. Greg Evans.

**5.6 GATIAU**

Cytunwyd i folltio'r gatiau mawrion. Y Cyng. Derek Wilson i brynu ac i osod y gadwyn a'r bollt mewn lle.

## 5.7 ARWYDDION

Y Cyng Wilson a Thomas i ail-osod yr arwydd. Hefyd yn dal i ddisgwyl yr arwyddion gwahardd cŵn dan law'r heddlu.

## 5.8 Y MEINCIAU

Bu i'r Cyng Thomas adleoli 2 fainc nad oedd eu hangen bellach o Barc Parc-yr-Orsedd i Gae Maesyderi. Y mae yn y broses o drwsio mainc arall a oedd yn ychwanegol o Barc-yr-orsedd cyn ei throsglwyddo i'r cae.

## 5.9 MYNYDD O BRIDD AR Y CAE

Cytunodd Sue Davies i ofyn i un o drigolion Maesyderi tybed a fyddai'n bosibl iddo adleoli'r mynydd o bridd o'r safle pesennol gan ddefnyddio JCB. Gellir defnyddio'r pridd yn ystod y dyfodol ee ar gyfer creu trac-baw. (HEB EI GARIO ALLAN)

## 5.10 DEFNYDD POSIBL AR GYFER Y CAE YN YSTOD Y DYFODOL

Adroddwyd bod y cae wedi ei gynnwys o fewn y Cynllun Datblygu Lleol Cyngor Sir Ceredigion a Safloedd Posib. Gall hyn olygu y bydd y cae yn cael ei ddefnyddio at ddibenion adeiladu yn ystod y dyfodol. Derbyniodd y Cyngor Tref les 3 blynedd ar y cae oddi wrth y cyngor sir gan ddechrau ar y 13eg o Ebrill 2009. Ar ôl y cyfnod hwn ni fydd gan y cyngor tref unrhyw hawliau i barhau â'r les. Yng ngoleuni'r ffeithiau hyn, teimlwyd na fyddai'n ddoeth i wario'n hael ar brosiectau, os golyga hyn y gellir eu colli i ddatblygwyr ar ôl y cyfnod hwn.

**PYG:** Y Maer i gysylltu â'r Clwbiau PÊL DROED/Rygbi gyda'r bwriad o farcio'r pyg ar gyfer y cae.

**Bydd** Lizzie James yn ymchwilio i bosibiliadau ar gyfer beicio ar y cae ac i gyflwyno'r cynlluniau'n ystod y cyfarfod nesaf..

## 5.11 ADRODDIAD CYNNYDD AR GYFER Y WASG

Cyflwynodd Eleri Thomas adroddiad cynnydd i'r Cambrian News o dan newyddion yn ymwneud â'r pentref a hefyd gofynnwyd i Dr Dai Thorne i ysgrifennu erthygl yn y papur bro'r *Clonc*. Cysylltwyd hefyd â Mr Carl Stringer gohebydd y wasg ar gyfer y Carmarthen Journal.

## 6. CYLLID

### GWARIANT:

EITEM	PRIS HEB TAW	TAW £	CYFANSWM £
GÂT	365.00	54.75	419.75
ARWYDD NEWYDD	109.00	16.35	125.35
6 TORIAD GWAIR			800.00
Argraffu 400 o daflenni			36.00
<b>CYFANSWM Y GWARIANT CYN BELLED</b>			<b>£1,381.10</b>

Bydd yn ofynnol i'r Cyngor Tref i benderfynu ar gyllid ar gyfer y cae yn ystod ei gyfarfod Cyllid flynyddol ym mis Ionawr.

## 7. UFA

**7.1 Derbyniwyd llythyr gan Mr Damien Conti** yn gofyn tybed a fyddai'n bosibl i godi parc sglefrio ar y cae. Cytunwyd i hysbysu Mr Conti nad oedd yn realistig i wario arian ar barc sglefrio ar hyn o bryd.

**7.2 Adroddwyd mewn cyfarfod cynt** na fu'r cais am gymhorthdal gan yr heddlu dan law Swyddog Cynorthwyol Cymunedol yr Heddlu Ryan Jones wedi bod yn llwyddiannus. Hysbyswyd y Maer bod y cais yn cael ei drafod unwaith yn rhagor.

Gan nad oedd unrhyw fater arall daeth y Cyfarfod i ben am 8.20pm.

## 8. DYDDIAD Y CYFARFOD NESAF

**I'w benderfynu.** -----

(Cadeirydd & Dyddiad)